

## **Maach de Musik noch nit us**

*Text: Mike Kremer*

**Kumm, maach de Musik noch nit us, ich well noch danze  
un schmieß de Lück doch nit erus, ich well de janze  
Naach hee noch verbränge un zesamme noch jet singe  
mir Sorje maach ich morje un nit hügg**

Do kummen se, de Dür jeiht op un renjestürmp kütt 'ne laute Mopp  
mit drüjem Hals un jroßem Brand kläv mer sich aan d'r Thekenrand  
De eetste dressig Kölsch verpuff, keine Sauerstoff mih en der Luff  
Der Tünn, dä hät e Leed parat un hät sing Quetsch ald metjebraht  
De eetste dressig Kölsch verpuff, keine Sauerstoff mih en der Luff  
Jetzt weed et hee esu langsam richtig schön

**Kumm, maach de Musik noch nit us, ich well noch danze  
un schmieß de Lück doch nit erus, ich well de janze  
Naach hee noch verbränge un zesamme noch jet singe  
weed morje och en Qual, dat es uns jetzt doch dressejal  
De Naach hee noch verbränge un zesamme noch jet singe  
mir Sorje maach ich morje un nit hügg**

De Dür knallt op, et kumme mih, de janze Bangbotz-Dynastie  
un selvs dä kleine Fritz kütt met, och wenn dä nur en Limo kritt  
Jetzt jeiht et rund, dä Platz weed knapp  
se dröcken sich de Pappnas platt  
D'r Köbes kennt 'ne jode Wetz, se laache all bes op d'r Fritz  
Jetzt jeiht et rund, dä Platz weed knapp  
se dröcken sich de Pappnas platt  
Un all die Lück, die stemme jetzt met en

*Un pass hee en de Weetschaff keine Einzije mih 'ren  
Am Friedagovend muss dat hee esu sin*